



# ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏ

**ՈՐՈՇՈՒՄ**

**ք.Եղեգնաձոր**

**N 26**

**18 մարտի 2015թ.**

## ՀՀ ՎԱՅՈՑ ՁՈՐԻ ՄԱՐԶԻ ՀԱՄԱՅՆՔՆԵՐՈՒՄ 2015 ԹՎԱԿԱՆԻՆ ԲՆԱԿԱՎԱՅՐԵՐԻ ՍԱՆԻՏԱՐԱԿԱՆ ՄԱՔՐՄԱՆ, ԾԱՌԱՏՆԿՄԱՆ ԵՎ ԿԱՆԱՀԱՊԱՏՄԱՆ ՄԻԱՄՍՅԱԿ ԱՆՑԿԱՑՆԵԼՈՒ ՄԱՍԻՆ

Ղեկավարվելով ՀՀ Նախագահի 1997 թվականի մայիսի 6-ի «Հայաստանի Հանրապետության մարզերում պետական կառավարման մասին» թիվ ՆՀ-728 հրամանագրի 1.6-րդ կետի, 1.13-րդ կետի «գ», 1.15-րդ կետի «ժ», 1.17-րդ կետի «բ» և 1.20-րդ կետի «դ» ենթակետերի պահանջներով

### ՈՐՈՇՈՒՄ ԵՄ`

1.Սույն թվականի մարտի 20-ից ապրիլի 20-ը մարզի բոլոր համայնքներում կազմակերպել բնակավայրերի սանիտարական մաքրման, ծառատնկման և կանաչապատման միամսյակ:

2.Առաջարկել մարզի բոլոր համայնքների և ձեռնարկությունների ղեկավարներին`

- ա) մշակել և ներկայացնել սանիտարամաքրման, ծառատնկման և կանաչապատման աշխատանքների կազմակերպման ծրագիր-ժամանակացույց,
- բ) միամսյակի ընթացքում ավարտել սանիտարամաքրման, ծառատնկման և կանաչապատման աշխատանքները :

3. ՀՀ առողջապահության նախարարության «Հիվանդությունների վերահսկման և կանխարգելման ազգային կենտրոն» ՊՈԱԿ-ի Վայոց ձորի մասնաճյուղի տնօրեն Մ.Մարգարյանին`

ա) ամենօրյա հսկողություն սահմանել միամսյակի ընթացքում կազմակերպվող սանիտարամաքրման, աղբահանման, աղբաթափման և խմելու ջրի ախտահանման գործընթացի նկատմամբ :

4.Մարզի բնակավայրերում սանիտարամաքրման, ծառատնկման, աղբահանման և կանաչապատման աշխատանքների կազմակերպման ու կատարման նկատմամբ անհրաժեշտ հսկողություն իրականացնելու նպատակով ստեղծել մարզային հանձնաժողով` համաձայն սույն որոշման հավելվածի :

5. Սանիտարամաքրման, ծառատնկման, աղբահանման և կանաչապատման աշխատանքների կազմակերպման մարզային հանձնաժողովին՝

ա) հսկողություն իրականացնել միամսյակի ընթացքում կազմակերպվող աշխատանքների նկատմամբ,

բ) իրականացվող աշխատանքների ընթացքի մասին պարբերաբար տեղեկատվություն ներկայացնել մարզպետին :

6. Սույն որոշումն ուժի մեջ է մտնում ստորագրման պահից :



Հ.ՍԱՐԳՍՅԱՆ

Հավելված  
ՀՀ Վայոց ձորի մարզպետի  
2015 թվականի մարտի 18-ի  
թիվ 26 որոշման

**ՀՀ Վայոց ձորի մարզի բնակավայրերում 2015 թվականին սանիտարամաքրման, ծառատնկման, աղբահանման և կանաչապատման միամսյակի աշխատանքների կազմակերպման ու կատարման նկատմամբ հսկողություն իրականացնող մարզային հանձնաժողով**

1. **Ն.Սիմոնյան՝** ՀՀ Վայոց ձորի մարզպետարանի աշխատակազմի ՏԻ և ՀԳՄ հարցերով վարչության պետ – հանձնաժողովի նախագահ,
2. **Մ.Ներսիսյան՝** ՀՀ Վայոց ձորի մարզպետարանի աշխատակազմի գյուղատնտեսության և բնապահպանության վարչության պետ – հանձնաժողովի անդամ ,
3. **Ա.Հովսեփյան՝** ՀՀ Վայոց ձորի մարզպետարանի աշխատակազմի քաղաքաշինության վարչության պետ - հանձնաժողովի անդամ ,
4. **Բ.Մարգարյան՝** ՀՀ Վայոց ձորի մարզպետարանի աշխատակազմի գյուղատնտեսության և բնապահպանության վարչության պետի տեղակալ – հանձնաժողովի անդամ ,
5. **Մ.Մարգարյան՝** ՀՀ առողջապահության նախարարության «Հիվանդությունների վերահսկման և կանխարգելման ազգային կենտրոն» ՊՈԱԿ-ի Վայոց ձորի մասնաժյուղի տնօրեն - հանձնաժողովի անդամ (համաձայնությամբ),
6. **Վ.Գրիգորյան՝** ՀՀ բնապահպանության նախարարության աշխատակազմի բնապահպանական պետական տեսչության Վայոց ձորի տարածքային բաժնի պետ - հանձնաժողովի անդամ (համաձայնությամբ):

**ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ**

**ԱՇԽԱՏԱԿԱԶՄԻ ՂԵՄՎԱՐ**



*Կ.ՍԱԿԱԿՅԱՆ*  
**Կ.ՍԱԿԱԿՅԱՆ**